

# Ni Jehova Pinabilegna ni Gideon

UK-UKOM KAPITULO 6-7

**NARIGAT IDI TI KASASAAD** DAGITI ISRAELITA. RARAUTEN IDA DAGITI MIDIANITA KEN ADDA PAY DAGITI **MANGBUL-BULLY KADAKUADA**. DANGDANGNANANDA IDA KEN PERPERDIENDA DAGITI MULADA.

NAGPATULONG DAGITI ISRAELITA KEN NI **JEHOVA**.

PANGNGAASIM,  
APO JEHOVA,  
**ISALAKANNAKAMI!**

NANGIBAON TI DIOS ITI **ANGHEL**  
A SUMARUNGKAR ITI LALAKI NGA  
AGNAGAN **GIDEON**.

**SIK?**  
ASINOAK KOMA?  
KASANO KOMA A  
**MAISALAKANKO**  
TI ISRAEL?

NI JEHOVA ADDA  
KENKA, SIKA A NABILEG  
A MANNAKIGUBAT. **SIKA**  
TI MANGSALAKAN  
ITI ISRAEL.

ADDANTO KENKA  
NI **JEHOVA**.



**SINUBOK NI JEHOVA NO NAIMPUSUAN TI PANAGTALEK NI GIDEON KENKUANA. IMBAONNA ITI MAYSA A MISION: DADAELENNNA TI **PAGANO A DIDIOSEN**.**



KARABIYANNA, NI GIDEON KEN TI SANGAPULO A LALLAKI **DINADAELDA TI DIDIOSEN**.

NGEM **AGPEGPEGGAD** LATTA DAGITI ISRAELITA! BINALLASIW DAGITI MIDIANITA KEN DAGITI KAKADUADA TI PAGBEDDENGAN TI ISRAEL. KET NAGKAMPODA IDIAY TANAP TI JEZRAEL.

ADDATAYON  
ITI TERRITORIADA.  
**AWANEN TI**  
MAKALAPPED  
KADATAYO!

SIGURADO A  
**MANGABAKTAYO!**

DIMMAWAT NI GIDEON ITI PAMMANEKNEK NGA **ISU KET TULONGAN** NI JEHOVA. ISU A NANGARAMID NI JEHOVA ITI DUA A NAKASKASDAW A **MILAGRO**. (BASAEM TI UK-UKOM 6:36-40.)





NAKASAGANAN NI GIDEON KEN DAGITI SOLDADONA A MAKIGUBAT KADAGITI MIDIANITA.

NO TUNGPALENTAYO  
DAGITI BILIN NI JEHOVA,  
TULONGANNATAYO A  
MANGABAK!

IDI KUAN, NAKISARITA NI JEHOVA KEN  
NI GIDEON.

GIDEON, 300 LAENG  
KADAGITI KATUTUREDAN  
A SOLDADOM TI MAKIGUBAT.  
KET MAAMMUAMTO A **SIK** TI  
NANGISALAKAN ITI ISRAEL.



ANIA NGAY TI  
ARAMIDENTAYO?

MANGALATAYO ITI  
SAGGAGAYSATAYO A  
TANGGUYOB, BANGA,  
KEN PAGSILAWAN.

SATAY TULADEN  
TI ARAMIDEN  
NI GIDEON.

ADDA KADATAYO NI  
JEHOVA! INTON TENGGA  
TI RABII, AGTANGGUYOB,  
BURAKEN DAGITI BANGA,  
SA IPUKKAWTAYO . . .








TI KAMPILAN  
NI JEHOVA KEN  
NI GIDEON!

ANIA TI  
MAPASPASAMAK?

ADDA  
DAGITI  
ISRAELITA!





**NAGTATARAY** DAGITI MIDIANITA, KET KINAMAT IDA DAGITI ISRAELITA. URAY NO **BASBASSIT TI BILANG** DAGITI ISRAELITA, A 1 KONTRA 450, TINULONGAN IDA NI JEHOVA A **MANGABAK** ITI GUBAT.

**ANIA TI MASURSUROTAYO ITI DAYTOY  
NGA ESTORIA?**

APAY A **KABUTENG** IDI NI GIDEON DAGITI  
MIDIANITA?

**MAKATULONG:** UK-UKOM 6:2-6, 15.

ANIA TI INARAMID NI GIDEON TAPNO  
**TUMURED?**

**MAKATULONG:** UK-UKOM 6:27a, 36-40.

**KASANOKA** A **TUMURED** NO MABUTBUTENGKA?

**MAKATULONG:** SALMO 138:3, 8; PROVERBIO  
17:17; HEBREO 13:6.